



Universitätsbibliothek Paderborn

**Dissertatio Paraenetico Apologetica In Vitam Mirabilem,
& Cœlestes Revelationes Venerabilis Virginis Marinæ De
Escobar Vallisoletanae, Ordinis Sanctimonialium S.
Brigittæ in Hispania Fundatricis**

Tanner, Jan

Neap., 1690

§. 5. Quomodo fiant C[o]elestes h[a]e revelationes.

urn:nbn:de:hbz:466:1-41415

non vacare, propter tot quos perlegendos assumunt libros.
 Ex quo divino responso profectò appareat, ipsos metu
 ros sibi obstare, ut potè aliis nimis intentos; quando
 interea sexus fœmineus præcipuâ curâ soli DEO atté-
 dit. Accedit, quod ex divinis habeamus litteris, cum
 simplicibus esse Dei sermocinationem. Mirum ergò nō
 est, quod non solum mulieribus p̄æ viris, sed etiam
 idiotis p̄æ eruditis talia mysteria innotescant: adeòut
 etiam voluerit DEUS, quandoque per fœminas inno-
 tescere quædam, quæ universam Ecclesiam concerne-
 bant, quale fuit, & illud, quod per S. Luciam Virginem
 Martyrem Syracusanam revelaverit finem imminere
 immanissimæ illiusā Diocletiano excitatę persecutio-
 nis. Sic Sanctus Franciscus Xaverius ex studiis, quibus
 in Parisiensi Academia vacabat, fuisset avocatus, &
 consequenter Indiæ hoc Apostolo caruissent, nisi soro-
 ri ejus, quantus esset in vinea Domini operarius futu-
 rus, fuisset divinitus indicatum. Sic Societas Jesu, per
 S. Ignatium tanto fructu in Ecclesia DEI erigenda, fuit
 priùs ab aliquot Sanctis mulieribus prævisa, & ab eis
 prænuntiata.

§. V.

*Quomodo fiant Cœlestes hæ re-
velationes.*

30. **T**RIPLEX est à S. Thoma 22.q.173.a.4.modus
 descriptus. Primus quando ipsis sensibus
 exterioribus aliquid percipitur; prout Da-
 nieli apparuit manus scribens in pariete, & sepiùs vo-
 ces variæ sunt auditæ. Secundus quando solâ imagina-
 tio-

tione aliquid percipitur; prout fit per somnia, & prout sunt plerque omnes, quas descriptas habemus, revelationes plenè corporeis, quas phantasia percipit, similitudinibus. Tertiū, quando per solas species intelligibiles soli menti, & intellectui aliquid imprimitur; prout factum Salomoni, & Apostolis, de quo jam diximus §. precedenti. Primus autem modus est facilis, & cognitioni obvius. Medius ille habet difficultatem. Fit ergo ille, prout docet S. Thomas 22.q.172.a.2.e. vel per novas species imaginarias phantasiæ impressas, (prout fieret si alicui cæco nato divinitùs imprimentur in imaginatione species colorum) vel per hoc, quod species jam antea per sensus acceptæ, divinitus ordinentur, & transmutentur diversimodè in ordine ad id, quod est ab anima illa intelligendum. Sicut enim ex diversa ordinatione earumdem literarum, accipiuntur diversi intellectus, ita etiam secundum diuersam dispositionem phantasmatum resultant in intellectu diversæ species intelligibiles. Hoc autem potest utrumque fieri, tam in vigilia, quam in somno.

31. Hinc jam facile solvit, ea, quam quidam obiiciunt, difficultas; quod videlicet hæ Sanctorum revelationes videantur somniis simillime, atque ideo appearant ridiculae: nam re ipsâ verè aliquando fiunt in somno, prout contigit SS. Patriarchis Jacobo, & Iosepho; & alias semper modo somniis non dissimili, prout loco citato insinuat Princeps Theologorum. Unde etiam iste modus est obnoxius illusionibus Dæmonum, potestque etiam ex morbis contingere: adeoque indiget accurato examine, ut spiritus divinus à spurio discernatur.

32. Est tamen modus iste in hoc præ aliis utilis, quod talis revelatio possit facile per modum Historiæ lit-

litteris tradi , prout in se ipsa gesta est ; tametsi s̄epe lateant profūdiora mysteria, prout patet in Apocalypsi S. Joannis , quæ quidem videtur magna parte facta in imaginatione, & modo quodam somniis non planè ab simili .

33. Neque tamen dubitandum est , quin s̄epe interveniat modus ille primus , quo re vera sensibus externis ea ex quibus cōstat revelatio, percipiuntur; prout cum Ven. Virgine Marina s̄epiùs contigisse certum est.

34. Sed præcipua restat difficultas, num Sancti re ipsā verè corpore adsint ibi, ubi aliqua percipiunt : ut quando Ven. Marina toties narrat se fuisse in Cœlo , atque in diversis terrarum Provinciis, aut Templis, vel domiciliis , &c. Habet hanc difficultatem S. Doctor 22.q.175.a.6. ub tractat locum S. Pauli 2. ad Cor. 12. sive in corpore, sive extra corpus, Deus scit; & respondet non posse hanc quæstionem satis determinari , cum ipsemēt S. Paulus hæc ignoraverit. Unde meritò, nec à me, nec ab ullo in carne , peti debet , ut quæstionem hanc planè decidamus .

35. Quod tamen ad Ven. Virginē Marinam specia litèr attinet, sicut ipsa s̄epissimè unā cum corpore ad di versa loca translata , cum ipsamēt id expressè s̄epiùs asserat ; & intrà ipsum cubiculum ordinariè etiam spe ctantibus hominibus , solita sit Angelorum ministerio levari ex lecto , prout ejus necessitas corporalis exige bat. Sed an etiam in Cœlum fuerit aliquando cum corpore translata, nec ipsa satis exprimere mihi vide tur , nec aliundè colligere potui ; cùm nullibi declare tur, an corpus ejus tunc, & quidem quandoq; per plures dies à lecto abesse fuerit animadversum .

36. Qui plura de modo revelationum, & raptuum scire velit , legat S. Thomam 22.q.171. usque ad 175. inclusivè .

37. Ne-

37. Néque tamen dissimilare volo in hac Ven.
Virginis Marinæ vita, esse quid hoc in punto præ aliis
revelationibus admirabile, prout præter loca alia, ha-
betur etiam l.3.c.13. & 14. ubi Christus Dominus ani-
mam ejus ex Cœlo ad eam detulit, tanquam quid ab
ea distinctum, dixitque eam esse partem superiorem
animæ. Sed planè stupendum est quod habetur c.14. §.
3. quomodo superior pars animæ habitans in Cœlis
salutaverit advenientem ad Cœlum partem inferiorē
ejusdem animæ §. 4. Cùm pars inferior rediret in ter-
ras, pars superior remansit in Cœlo. Deinde §.5. putat
ipsamet Ven. Marina, fuisse in Cœlis coniunctas suam
animam, & suam naturam, seu suam partem superiorē,
& inferiorem. Quæ omnia puto esse emblematicè in-
telligenda, ut exprimatur quomodo, cogitationibus,
& corde possimus per divinam potētiā ita DEO inhæ-
rere, ut tamen his inferioribus naturæ operationibus
tunc etiam adhuc sufficiamus; sed tamen facilè admi-
serim, me non esse sufficientem ad tantas DEI gratias
explanandas, cum hæc sit gloria DEI, ut omnem no-
stram capacitatem opera ejus excedant.

§. VI.

*Qui sint apti ad legendum cum fructu tales
revelationes.*

38. **U**T suus his Cœlestibus revelationibus
fructus constet, aduertendum est, non
prò omnibus vulgari, cùm non desint qui-
dam ita dispositi, ut noxiæ potius eis essent futuræ,
quæ salutares; prout nec Sacré Scripturæ promiscua
lectio